

重修京口八旗志卷一

卷一

御製

輿地志

食貨志

學校志

武備志

御製

諭旨

硃批

圖說

城池

諭旨

硃批

街巷

寺觀

公署

兵房

公所

廟祠

庵局樓宮

坊表

橋梁

形勝

風俗

墓

炮台

練營

水師

陸軍

蘆課

實業

書院

學堂

駐院

兵制

重修鎮江府志京口駐防附
京口駐防係內蒙古籍以部落為氏如教漢奈曼札魯特之
類詳載蒙古源流攷自從龍入關分駐京師始加漢姓順治
二年暨康熙二十二年先後自京派左右翼滿洲蒙古兵四
千名駐防江甯乾隆二十八年裁汰京口漢軍內洲蒙古蒙
古官兵一千六百四十四員名移駐京口是為京口駐防之
始惟蒙古雖系出軒轅而代遠年湮無專志可攷自光緒四
年舉人春元奉上憲命創辦旗志始於道光壬寅迄於光緒
己卯其間忠臣義士節婦烈女原不乏人然事屬創始無陳
蹟可循殊多遺漏至如水利田賦漕運關稅鹽法釐金等政
旗營本無此制無從稽核其餘著作未經刊刻科目未列朝

代勢必年久無徵矧宣統辛亥以後案卷散失無可依據縱
竭力搜輯難免挂一漏萬之譏後之君子若擴而充之修而
正之尤所厚望焉民國十六年七月即丁卯仲夏名譽採訪
奈曼氏愛仁誌畧

京口八旗志凡例



一京口旗營占城內一隅之地方圓不滿五里戶口不過數千規模狹隘制度難周故星野晷度疆域城池關津江淮水利等類凡與丹徒公共者概不欄入以清眉目而免鋪張

一舊志自道光壬寅起至光緒己卯止其中事實頗多遺漏而壬寅以前者更無稽攷茲志凡碑碣書籍有可采者雖代遠年湮亦必補入冀收一得之效

一舊志科目未繫朝代勢必年久無徵茲志科目下必繫某朝加以某旗某姓氏俾後人易於查考

一月旦之評嚴於史筆故志中列傳必期信而有徵若但

採虛聲而輿論不盡洽者概不列入以免冒濫

一史傳之有列女以所載不僅節孝也舊志但採貞節孝烈不及其他殊嫌缺畧茲增入孝女貞孝賢孝節烈節孝貞烈各門庶有善必錄以闡幽光

一文以載事亦以傳人必有關於駐防者始錄之或表記序傳詩辭歌賦按切於地方為名人所製無弗採備不獨光志乘已也

一舊志所載如輿地街道公署官職兵制皆不詳盡今特逐條增補以期周備

一舊志所已載者概不贅叙間有一二名姓相同者其事實迥別以免重複

京口八旗志目錄

卷一

御製

諭旨

硃批

輿地志

圖說

城池

山川

街巷

寺觀

江蘇通志稿

第四集

公署

兵房

公所

墓

廟祠

庵局樓宮

坊表

橋梁

形勝

風俗

食貨志

蘆課

實業

學校志

書院

學堂

武備志

駐防

兵制

炮台
練營

水師

陸軍

卷二

職官志

文職外官

武職外官

蔭襲

名宦

卷三

選舉志

文進士

文舉人

優拔

歲貢

畢業舉人

畢業優拔

畢業歲貢

武進士

武舉人

人物志

名賢

宦績

忠烈

忠義

卷四

孝友

儒林

文苑

隱逸

尚義

藝術

方外

卷五

賢孝

節烈

節孝

孝女

孝烈

貞烈

貞孝

卷六

藝文志

碑碣

序

記行

詩賦歌辭

江蘇通志稿

雜綴志

災異

第七葉

聖祖仁皇帝自江甯至京口詩

白下回程傍竹林依山水溜似鳴琴星馳不為陰晴阻

瓜步城南念舊吟

康熙二十二年二月二十日碑在鎮江旗營將軍衙門

內

前京口副都統陞任江甯成都等處將軍碑文

朕惟國家獎卹臣鄰哀榮終始旂常紀錄俎豆酬庸有能執
鼓提戈獲建非常之功業斯必銘金刻石藉彰不朽之聲名
禮亦宜之恩至渥也爾原任成都將軍魁玉持躬武毅秉質
懇誠由任子以典軍名揚驍騎懍惟寅而稱職望重虎臣戎
韜夙協機宜軍政先邀薦剡時值潢池之警適當江漢之交
俾分閫於西涼仍留防於南國麾朱旗而列隊則萬馬銜枚
奉丹詔而宣恩則三軍挾纊始隨征於漢北繼轉戰於江南
玉節頻移金創重疊雖有時垂翅雷霆之譴責頻仍而乘勢
攻心雨露之恩澤永沐洎朱方之坐鎮正赭寇之方張昕夕
呼庚春秋環甲一身是膽衆志成城白下乍乎長圍丹陽遂

九

奏乎新捷藉成犄角之勢共宣使臂之勞功最曰多賞延於
世裴行儉才兼文武俾攝兩江郭子儀望洽華夷更司五口
河山大定草木知名迴顧蜀郡之巖壘再命龍驤之上將陸
警水慄銀河洗兵甲之光士飽馬騰銅柱勒丹青之字曩以
微疴在告遂爾優閒何期殂謝忽聞深予悼惜既殊功之疊
建亦卹典之有加狀厥勤勞謚之果肅於戲書勲麟閣長依
日月之輝奏績螭珉足壯風雲之色貽之來禩勿替嘉聲

鎮江甘露寺

碑在

乾隆二十八年奉

旨裁汰京口漢軍案內將軍容

奏准將江甯駐防蒙古八旗官五十員領催九十六名前

鋒五十六名馬甲九百八十五名炮手二十九名匠役

四十八名步甲二百三十八名養育兵一百五十名通

共官兵一千六百四十四員名全行移駐京口乾隆五

十五年將軍永

奏准京口添養育兵一百名連前合共二百五十名

考取文生員

嘉慶四年欽奉

諭旨自七年起八旗子弟准其按科考取文生員每文童五

江蘇通志稿

卷十

名內取中一名欽此

准在本省鄉試

嘉慶十八年欽奉

諭旨所有八旗文生員准在本省就近應文鄉試每科江甯

京口定額取中三名人數雖多總不得過三名之欽此

八旗甲兵應武鄉試及小甲閑散應武童試

嘉慶十八年欽奉

諭旨各省甲兵准在本省應武鄉試每十名取中一名三科

後再行定額欽此又於十九年奉

部文八旗小甲閑散內擇其弓馬嫻熟人材健壯者應

武童試每五名取中一名嗣於二十四年奉准

部文本省武鄉試每科江甯京口定額取中八名
考驗軍政

江甯京口軍政例係五年一次每屆

將軍於八九月間查閱江甯京口八旗官員馬步箭於十

月內

題本並送

將軍事實冊官員四註冊向係保舉江甯二員京口一員

効無定例亦有舉而無効者亦有有舉有効者六十以
上官員向例不跑馬此係江京軍政之舊章也道光二
年五月奉

上諭各省駐防軍政自應劃一辦理嗣後各省駐防旗員有

十一

逾六十以上不能騎射者俱不准保列卓異其精力尚
健弓馬嫻熟或曾經出力著有勞績或實心經理營務
出具切實考語保薦另冊聲明送
部帶領引

見如有年力衰邁即歸入計典內効叅若年雖老精力未衰

秉公甄核專摺

奏請留任着為令欽此欽遵在案

添演雲梯

嘉慶元年奉

上諭各省駐防兵丁內擇其年力精壯者令其搵演雲梯江
甯京口駐防一體辦理欽此京口雲梯教場在華藏寺南

首

京口八旗奏置德興洲碑記

嘉慶十四年歲次己巳冬十一月據駐防京口蒙古八旗協
 佐領等以丹徒縣入官德興洲灘地籲請借款 奏買歸旗
 以為調劑官兵生計之舉因查八旗官兵自乾隆二十八年
 奉 旨由江甯移駐以來閱四十餘年矣生齒日繁增逾倍
 徒俸餉歲有額支計入莫敷所出差操日計拮据時形余自
 奉 命鎮守斯土經今八載每於訓練騎射整飭戎行之外
 體察官兵家計艱辛刻以調劑榮懷儉勤是勸要皆冀以生
 計舒徐俾克應副差操而差報 聖恩於萬一也今據所請
 因查移駐時雖經 奏買裁汰漢軍原置徵人洲地裁佈蘆

崇 當作崇



奏到 奏字下
遠請奉二字



薪以供官兵炊爨第歷年既久漸已不敷得茲貼補誠善舉
 焉遂據備公函咨商於

江甯京口將軍弘允以事屬可行於嘉慶十四年十一月十
 兩江總督部堂阿 奏到 硃批另有旨欽此嘉慶十四年十一
 二日謹合詞 奏到

月二十九日奉 上諭弘康等 奏丹徒縣台變蘆洲請准

京口駐防官兵承買一摺此項入官蘆地現經照例估變旗
 人與民人同一承買本無差別且從前該處駐防曾有置買
 儀徵縣入官蘆洲之案著加恩准其動用存公銀兩置買分
 年坐扣還欸將此項蘆地作為京口八旗駐防公產每年除
 完正賦外按各官兵數目酌定分領章程務俾均沾實惠摺
 並發欽此仰惟我 皇上軫念駐防官兵生計准其將此項

洲地承買歸旗 高厚鴻慈曷勝感激隨飭據旗員正紅旗
全佐領正藍旗哈防禦會同委員護常鎮通海道鎮江府蔡
守督同署丹徒縣萬令等詣洲勘丈頃畝相符定界交割通
詳立案遵奉原 奏借銀款備價委解 蘇藩司免收並查
得該洲地勢高下不等或應懇田抑亦佈蘆必須相地情形
分別辦理庶幾地不荒蕪功歸實濟因即備咨督部院核明
轉行府縣官遵照在案從此阡連陌接歲獲秋成官兵等協
濟是資咸被 皇仁於無既惟愿司其事者各竭心力妥為
經理俾歲有盈餘均沾實惠是余之所厚望焉爰將襄事察
屬銜名及該洲頃畝四至原價數目併勒諸石俾後人知顛
末如此而用以永垂不朽云

蘆地一千五百畝 每畝價銀二兩共銀三千兩高阜泥灘四
千八百畝 每畝價銀四錢一分五厘共銀一千九百九十二
兩下水泥灘一千六百七十畝六分一厘五毫每畝價銀二
錢共銀三百三十四兩一錢二分五厘通共蘆泥灘地七千
九百七十畝六分二厘五毫共價庫平紋銀五千三百二十
六兩一錢二分五厘東界何家大港南北直出為準南界
何士榮何正修何家睦耿廣居唐步瀛等圩西界樂生洲港
孫文貴何綸魁何上珍楊愷
北界大江

兵部尚書兼都察院右都御史總督兩江部堂 阿林保
鎮守江甯京口等處地方將軍 加輔國公銜 宗室 弘 康
鎮守京口沿江沿海等處地方掌印副都統 賡音蘇

護理常鎮通海兵備道鎮江府正堂

黎世序

署理丹徒縣知縣侯補知縣

萬臺

嘉慶十五年四月

穀旦

京口忠烈祠碑

吾郡地控海疆為三吳鎖鑰自鄭成功亂後迄今一百八十餘年民不知兵洵稱樂土而一旦妖氛驟起又化為荆榛瓦礫之場天道如斯良可慨已道光二十二年夏六月逆夷率其醜類大集艤艫由狼福口直入長江勢將侵犯時京口副都統海昭節公一聞警報即日戒嚴督率官兵登陴固守初八日突有夷船乘風破浪而來我東馬頭駐紮官兵以礮繫之中其火輪船一而逆夷始却迨後連檣擁至約有百餘東

繫當作擊



江蘇清江浦

十四

馬頭防堵之官兵較少海公即調入城內併力守之與賊持五六晝夜至十四日逆夷擁眾驟由西北登岸徑犯北城公親督官兵自辰至午奮力抵敵連開數礮擊斃夷匪多人詎料逆夷復攻擊西南兩門正當交鋒鎗礮之間禦敵死生之際忽覩城中火起呼聲震天此時官兵祇一千二百名青州官兵亦祇四百名兵力單微首尾難顧以致不支既而城陷公帶領官兵在城內西南一帶決命鏖戰鎗斃夷人及刀斃者甚多奈夷人勢大寡不敵眾耳公知勢不可為遂回衙署夷人復縱火焚之公之夫人及次孫已先投繯盡節時火勢益熾烈燄飛騰公毅然不為動有武庫東海血流被面已受重傷與前鋒魁永尚在左右公回顧二人曰余身膺重寄死



有餘辜爾等何必相從竟揮之去須臾乃殉節焉驍騎校祥雲亟將副都統印信投入井中亦投水自盡維時八旗駐防官兵及青州官兵傷亡者衆事定蒙 欽差大臣耆江寧將軍德等查明除盡節驍騎校祥雲另請 賜卹外陣亡者經制委署候補官共十三員兵二百三十九名受傷官兵共一百八十六員名男婦老幼遇難殉節者共六百餘名口恭摺奏報欽奉 硃批不愧朕之滿洲官兵深堪憫惻另有旨欽此道光二十二年九月初九日內閣奉

上諭前據耆英等奏海齡殉難屬實已有旨仍照都統例賜卹並將部議卹典照議辦理本日復據耆英等奏尋獲海齡及伊妻伊孫屍骸並京口副都統印信又查明道員稟揭各

江寧府志

十五

詞當作祠



款並京口打仗陣亡受傷官兵各一摺海齡見危授命大節無虧允宜特為宣布以息浮言前有旨准照部議入祀京師昭忠祠並於該地方建立專祠所有隨同殉難之伊妻伊孫俱附祀專祠海齡靈柩着耆英等派員獲送回旗至驍騎校祥雲先將副都統印信投入井中旋亦投水自盡祥雲前已有旨附祀海齡祠內所有京口打仗陣亡官兵着即交部照

例賜卹受傷官兵着該部分別輕重查照例案具奏單並發等因欽此經兵部欽遵 諭旨將陣亡傷亡各官議請卹賞

銀兩給與雲騎尉世襲各兵議請卹賞銀兩移咨禮部奏明均各行查籍貫事蹟交翰林院立傳入祀駐防地方府城昭忠祠至陣亡傷亡各官并請賜祭賜葬殉節各婦女及被難

詞當作祠



幼丁幼女等入祀本邑忠義孝弟祠內設位致祭題名石碑
留傳永久並給帑銀於通衢大路總建一方用彰節烈以慰
忠魂分別先後奏入奉 旨依議欽此嗟呼自逆夷倡亂以
來未有若京口官兵之血戰者而逆夷勢大不下萬人其如
眾寡懸殊竟難抵敵當破城之日猶復鼓勇爭先紛紛巷戰
以一當百奮不顧身奈因呼救無援勢窮力竭惟有丹心報
國慷慨捐軀今坦骨九原凜凜猶存生氣死能得所豈不足
與泰山並重也哉乙巳十月厥工告成司事者以碑記來請
余不獲辭因據其實而書之是為記

丹徒施峻拜撰

道光二十五年十月

穀旦

十六

京口八旗節烈總坊

道光二十三年五月初六日奉准 禮部咨儀制司案呈禮

科抄出本部具題京口殉難旗婦旗女幼丁幼女請 旌一

疏相應抄錄原題行文該將軍副都統遵照辦理計抄錄原

題內開 禮部謹題為題請旌表事議得定例遭寇殉難紳

士庶民令該督撫轉飭各該地方官於本邑忠義孝弟祠內

設位致祭並題名於石碑俾得留傳永久其被賊戕害之婦

女等該督撫轉飭該地方官給銀三十兩於通衢大路總建

一坊無論大小婦女姓氏全行鐫刻其上並於節孝祠內設

位致祭又題准殉難男婦年屆十歲以上者准其設致祭其

未及十歲者毋庸設位致祭各等語今據江寧將軍德珠佈

詞當作祠



准其設下遺位

